



UNIVERSITÄTS-  
BIBLIOTHEK  
PADERBORN

## **Mariae Virginis Sacratiss. Miraculorum Libri Tres**

**Vismara, Ercole**

**Mediolani, 1579**

Mirac. Virg. XVI. Castissima Dei parens sibi dediti pictoris famam tuetur.

---

[urn:nbn:de:hbz:466:1-64305](https://nbn-resolving.org/urn:nbn:de:hbz:466:1-64305)

*MIRAC. VIRG. XV.**Virginis arbitrato pius uir Ticini Episcopus deligitur.*

**H**ieronymus, ciuis Ticinensis, & clericus, quotidie Virginis pietatem mira religione implorabat, & obtestabatur, illiq. placere, magno opere studebat. Fortè Ticini episcopus è uita excessit. Sacerdotes omnes ieiunijs ac supplicationib. publicè decretis Deum precati sunt, ut, quinam episcopatu dignus esset, indicaret. sibi mirificè deditum uirum quendam interim Virgo adiit; eiq. edixit, ut Ticinensem populum moneret; uti scribam suum Antistitem adscisceret. quaerèti illi de ipsa Virgine, quinam esset ille scriba; respondit ipsa, eum esse, cui Hieronymo nomen erat; quo nemo eo tempore pietate erga Deū insignior erat, qui fideliter, & studiosè Deo inferuiebat. Eam rem Ticinenses exitu praestare minimè distulerunt. Itaq. pio uiro dum uixit, tantus honos delatus est; post mortem uerò beato coeli aeuo cum sempiterna felicitate frui coepit.

*MIRAC. VIRG. XVI.**Castissima Dei parens sibi dediti pictoris famam tuetur.*

**I**n opulento coenobio Hieronymus pictura mirificè delectabatur; & operam praecipuè dare solebat; ut Virginem, quàm posset, pulcherrimè pingeret. Quòd si pingenda erat Satanae imago, obni-

xè laborabat, ut deformissimum ex se opus proficeretur; & picto simulachro, in eius faciè excreabat. Immortale odium exercens cacodaemon, cum pictore; in eo luxuriae ardenteis flammis excitare studuit. Quarè se se improbus in formosissimae mulieris formam uertit, quae monaco sui copiam se facturam pollicebatur; modo in re facillima sibi obtemperaret. Ad omnia se paratum dixit Hieronymus; cui detestanda mulier respondit, ut, postquam sacrario praeerat, uasa omnia argentea, & aurea sacris usibus addicta una congereret, illisque collis ad se aurum, & argentum perferret. futurum. n. promisit, ut se statim poteretur, suamque ipse uoluptatem expleret. Ea re statim, absque ulla mora facta, scelestus, deposita mulieris forma, altius clamauit, ut monaci illuc currebant, furemque Hieronymum in furto deprenderent, qui aurum, & argentum aufereret. Illi uasa effracta uidentes, sciscitabantur; quam dementiam, aut furore captus esset. Is prae timore obmutuit. At quia noctis tempus erat, eum ad columnam deligarunt, ut postero die, cum illuxisset, maturius de illo decernerent. Interim cacodaemon miserum uinculis adstrictum illudebat, haec inquit: En, lepidum caput, non potuisti effugere, tu illud unum studebas, ut turpissimi monstri deformitatem mea imago referret; ac uultum etiam sputo foedebas. Par pari nunc refero; uerum tecum peius agetur, qui publico iudicio damnandus, & igne cremandus es. Nunc à tua Maria implora auxilium, quam insigniter pulchram semper pingebas. Memor ille singularis eius misericordiae, qua suos semper Virgo completitur; illam uerè, & ex animo obsecrabat ut sui, in tanto periculo,

periculo, miseresceret. Eius precib. mota, pietatis regina, dixit, forti sis animo, Hieronymè, & posthac te contra Satanae dolos constātius, & ualidius munias, & obfirmes; nec finas te in huiusmodi errores amplius deferri. Non. n. à me unquam desereris. Quinetiam statim è Hieronymo sublatis vinculis, cacodaemon, solo Virginis nutu, ad eādem catenā obstrictus est. Itaq. matutinarum precationum tēpore ea omnia diligenter monachus praestitit; quae ab aedituo, & sacrarij praefectō solent exigī. Vbi in templum coenobitae uenere, uasa integra, & ibidem munere suo Hieronymum fungentem uident; quem ipsi adhuc columnae uinctum credebant. Recta autem ad columnam euntes, illic generis humani captiuum hostē reperiunt; qui, cum diu ab illis, & multū uapulasset; stridore maximo effugit. Deniq. uerò rem omnem Hieronymus ab origine omnib. exposuit.

## MIRAC. VIRG. VII.

*Pudicissimis duab. sororib. impudicitiae impressa nota, diuinitus eluitur.*

**P**auperrima mulier, quae Virginem sanctissimè colebat, & augustè uenerabatur duas filias, quas habebat, ei dicauit, ad eius cultum ipsarum animos, & menteis maxima diligentia instituēs; & confirmans. Sed quia dubitabat, ne ob paupertatem, illarum puritas periclitaretur, eas ante Virginis facellum ipsi Virgini cōmendauit; huncq. habuit sermonem: Regina, mulierum gloria, feminarum decus, haec